

۱ ۳ ۳. ۱ ۶

صاحب و مدیر مسئول : ع . اشرف ارباب

207-28 sub

کبراسندن (مجدالدین شیروانی) حضرت تالینک (توقادی) تشریف لاری
استاد اکرمی (شمس الدین) افندی اخبار ایتسی اوزرینه بتکرار
(توقاد) عزیمتله شیخ مشارالیهک تربیه مرشدانه لرینه دخالت و آلتی
آی ظرفنده تکمیل اطوار طریقته نائل مرتبه خلافت اوله رق
مملکت لرینه عودت ایله یوب ارشاد عاشقین و تعالیم طالبین مشغله خیریه سنه
باشلا دیلر . بوسیراده اصحاب خیر و یساردن (سیواس) والیسی حسن
پاشا طرفندن بنا اولونان جامع شریف امامتیه درگاه منیف مشیخته
اولونان دعوتیه اجابتله عالمه سیله برابر (سیواس) رحلت ایدم رک
الی آخر العمر تدریس و تربیتله اشتغال بیورردیلر . ایشته بوجه ایل
اوقاتکدار ایکن (نه فلک شمس طولتدی نور ایل) مصراعنک دلالتی
اولان (۱۰۰۶) تاریخنده (ارجی ۰۰) امرجلیلنه متابعتله ترک عالم
ناسوت ایله دیلر . (اکری) سفرنده بولونان مستجاب الدعوة ذوات
عالیه دندر . قدس سره العزیز .

تفصیل احوال و مناقب علیه لری شیخ (رجب سیواسی) نک
(نجم الهدی) و شیخ (نظمی استانبولی) نک (هدیه الاخوان) و (مستقیم
زاده سلیمان سعدالدین) افندینک (خلاصه الهدیه) اسملرنده کی
اثر لرله آنا سائرده مذکوردر . سرخلقه خلوتیان اولان پیراعظم
(سید یحیای شیروانی) حضرت تالینک مر بوطیتلری ایکی واسطه ایله درکه
بروجه آتی ذکر اولنور :

(۱) عن الشيخ مصلح الدين عن الشيخ حضر الاماسی عن الشيخ
حبيب قره مانی عن الشيخ سید یحیای شیروانی .
(۲) عن الشيخ مجدالدین نوره عبدالمجید شیروانی عن الشيخ
قباد شیروانی عن الشيخ محی الدین محمدالشیروانی عن الشيخ ضیاء الدین
یوسف مخدوم شیروانی عن الشيخ سید یحیای شیروانی (قدس سره
اسرارهم) حضرت ایدر .
مؤلفات علیه لرندن منشور اولانلر : منظوم اولانلر

- | | |
|--|--------------------------------------|
| (۱) شرح مختصر المناز المسمی (زبدة الاسرار) | (۱) مناقب امام اعظم (مطبوعدر) |
| (۲) شرح قواعد الاعراب لابن هشام المسمی (بجل المعاهد) | (۲) ارشاد العوام |
| (۳) مناقب چهار یار کزین (مطبوعدر) | (۳) مناسک حج |
| (۴) جلاء عبو العرائس المخررة | (۴) مرآة الاخلاق و مشوق الاشواق (۳۱) |
| (۵) نقد الحاطر (۳۰) | (۵) عبرتنامه (۳۲) |
| (۶) عمدة الادیب فی التعلیم و التأدیب - قواعد فارسیه | (۶) کلشن آباد |
| (۷) شرح غزلیات سلطان مراد خان ثالث | (۷) هشت بهشت (۳۳) |
| (۸) الجام النفوس | (۸) ترجمة الامی نامه شیخ عطار |
| (۹) لطائف الایات و نقوش البینات | (۹) ترجمة منطق الطیر شیخ عطار |
| (۱۰) دائرة الاصول | (۱۰) ترجمة پندرنامة شیخ عطار (۲۴) |
| (۱۱) حجة الهیة | (۱۱) سلیمان نامه |
| (۱۲) قصه موسی و خضر | (۱۲) دیوان عارفانه |
| (۱۳) شرح کلمات کمیل بن زیاد | (۱۳) مولدنی (مطبوعدر) |
| (۱۴) منازل العارفين | (۱۴) النصایح فی ترجمة الواح |
| (۱۵) مجلس | (۱۵) ترجمة قصیده برته |
| | (۱۶) مرآة الاشواق |

بو قصبه قوندیغ صیرده عقلمه بر معذبلك كلدی . (سر دار
عبداه خار) . سويله یوب شهرک سرکرده لرینه سزکله محرمانه بر
مکالمده بولونمق آرزوسندهیم . امیرکز حقیقه بزمله دوستدر .
روساردن چکیندیکی ایچین لاقیدانه طاورانمایه مجبور اولمشدر . مألنده
برمکتوب یازدیروب کونده ردکن صوکر بعض تنبیهاتده یولوندم .
بو مکتوب اوزهرینه بخارا امیرینک سرکرده لرندن آلتی کیشی
کلدی . اثنای ملاقاتده عبداه خان ، چادرک اورناسنده کی پرده یی
قالدیروب بکا تعظیم ایتدکن و کیم اولدیغی مسافرله سويله دکن
صوکر اولنرک آلتینک دیزکیندن طوتوب :

— ذات فحاشتکنر ، امیر زاده اولدیغی ایچین بو سرکرده لر ،
آلتیغی سره تقدیم ایدیورلر . دیدی . صاحباری برشی دییه مه دکری
جهتله شو سایده آلتی آت صاحبی اولدق . طاهر المولوی

تراجم احوال

شمس الدین سیواسی

ابوالشایخ شمس الدین احمد السیراسی

طریقت خلوتیه شعباتندن (شمسیه) شعبه سنک مؤسسی اولان
عارف باللهدر . ۹۲۶ تاریخنده محمدافندی نامنده برذاتک صلبندن (زیله) ده
دنیا به کله رک سنلری پدی به بالغ اولدیغی زمان پدر عالیلرینک مرشدی
اولان آماسیه وی (شیخ حاجی خضر) افندینک دعوات خیریه سنه
نائل اولمق اوزره معیت بدرده (آماسیه) به عزیمت و حضرت شیخک
توجهاتنه مظهریتدن صوکره مسقط رأسنه عودتله تعلیمه باشلا دیغی
مقدمات علومی تحصیل ایدم رک (توقاد) رحلت و مشاهیر علمادان
(عرقیجی زاده شمس الدین) افندیدن علوم عقلیه و نقلیه تحصیلنه
صرف ما حصل غیرت ایله دیلر .

خام تحصیللری اثناسنده کورمش اولدقلری رؤیایی عرفادن
(کونکچی زاده) به عرض ایدم رک بک چوق طالبین علم و عرفانک
کندیلرندن استفاده ایدم چکلری وادیسنده کی تعبیرات ایله مبشر اولدیلر .
اکمال تحصیل متعاقب استانبوله رحلتله علوم عالییه تدریسنه مباشرت و آرز
وقتده اکتساب شهرتله رب علمیه دن (محن سلیمانی) اخذینه موفق
اولدیلر سه ده مقدمه کوردکلری معنا تجلیاتی مقدمه سنک ظهورندن ناشی ترک
مسلك ایله یوب جانب حجازه عزیمت و بعدالحج مملکت لرینه معاودتله وعظ
و تدریس ایله اشتغال و بواثناده (حل المعاهد) اسمیله ابن هشامک (قواعد
الاعراب) فی شرح ایدم رک حل اشکال ایتدیلر . بوجه ایله کذارنده وقات
ایکن سلوک طریقت علیه داعیه سیله (جمعه بازار) قریه سنده پوست نشین
اولان و پدر عالیلرینک پیرداشلرندن بولنان (شیخ مصلح الدین)
افندیدن انابتله طور رابعه قدر ترقی ایدم رک اولان (توقاد) بعده (زیله) به
کیدم رک تدریس طالبین ایله مشغول اولدقلری زمانلرده (زبدة الاسرار)
اسمیله (مختصر المنار) شرحی میدانم کتیردیلر . بواثناده مشایخ خلوتیه

بروباغاندا جیسی واردر . هر دولت کندی سیاستی ترویج کنیدی
بکندیرمک ایچون وار قوتی بازویه ویره رک اکا کوره چالیشمقدردر .
مکاتب اجنیه بوسسیاستک اک برنجی مروجلرندن اولدینی کبی
غزتهلرکده بویوک بردخلی واردر . بیک بشیوز نسیخدن زیاده صاتیش
یایمیان غزتهلرک عددی بر ایکی به منحصر اولیوب پک چوقدر .
مطبوعات ایکی قسمه ، بلکه ، اوچ قسمه تفریق ایتک ایجاب ایدر .
برقسی مطبوعات مسیحیه درکه باشلیجهلری (الاحوال) - صباح
واقشام ایکی کره انتشار ایدر - (لسان الحال) ، (البشیر) ، (النصیر)
غزتهلریدر . بونلر کندی حال و مرقلرینی تعین و تشخیص ایدرک
غایت معتدلانه و بی طرفانه بر صورتده نشریاته دوام ایدیورلر . عینی
زمانده حکومت عثمانیه نیک منافعی ده پیش نظر تأمله آلهرق آکا کوره
یازی یازوب هیچ بر فرقه بی دیکرینه ترجیح ایتدکلری کبی ، عین
زمانده هیچ بریسنده تمایل کوسترمامکده درلر . یالکیز کندی منافع
ملیهلرینی معتدل بر صورتده تعقیب ایتکله اکتفا ایدیورلر .

مطبوعات محلیه ایچنده صاحبی اسلام اولنلردن بری یومی
(الرأی العام) دیکریده اسبوعی (البلاغ) جریده دینه سیدر . بویکی
جریده حقیقه مسلك صاحبی و صرف عثمانی منافعی تعقیب ایتکده درلر .
کچنلرده اصغر قومانییه سی علمینده بیروت و شام غزتهلری اوزون
اوزادی به بندلرو مقاله لر درج ایلدکارندن ، اصغر بالذات بوغزته جیلردن
برقاجنی اطماع ایتک صورتیه کندی لهنه چویرمکه موفق اولمش
ایسده ، مذکور غزته جیلردن الرأی العام صاحبی (طه مدور) افندی
ایچلرندن چکیلوب پاره اخذینی منافع وطنیه و دینه سینه مایر کوردیکندن
برباش مقاله ایله هم کندیسنه وقوع بولان تکلیفی ، همد آرقداشلرینک
فویهلرینی میدانه قویقله معاهدهلرینی بوزمشدر . بوکنج ، عثمانی
دارالمعلمین مکنتینده اکمال تحصیل ایتکله برابر عین زمانده فرانسیزجه به
آشنا و عربجه لسانیه تحریره صوک درجه مقتدردر . مسلکی ایسه
دائما حکومت عثمانیه بی طرفانه ، صادقانه خدمت ایتکدن عبارتدر .
نته کیم حسن خدمته مکافاة برقاج کون اول کندیسنه برده نشان
ویرلشدیر .

(البلاغ) جریده دینه سی هفته ده بردفعه جمعه کونلری منتظماً
انتشار ایدر و تمامیه اوروپا دولتلرینک انتزیهلرندن واقوام
اسلامیه ایله شئون اسلامیه دن باحث سیاسی ، اجتماعی ، ادبی ، فلسفی
ودینی برغزته در . بر ایکی آی اول غزته سنه درج ایتدیکی برقصیده دن
طولانی استانبوله اعزام ایدلمش ایسده دیوان حرب عرفیجه برائته
قرار ویریلرک تکرار بیروته عودت ایلشدر . زیارتنه کیتدیکم زمان
اداره خانه سنده بوله مدم . مع مافیه اعاده زیارت ایتک اطفند بولمشدر .

مطبوعاتک اقسام سائر سی ایسه (المفید) و (الاتحاد العثماني)
غزتهلریدرکه برنجیسی مسلك و مشوار صاحبی اولقله برابر عربلنی
وهرشیک لسان عربی ایله تعاطی اولمنسی و مأمورینک لسان عربی به
آشنا اولملری لزومنی تعقیب ایدیور . صاحبی ده تربیه لسان آشنا

[(۳۰) شیخ اسماعیل حق افندی حضرتلرینکده بو اسمده بر
اثرلری واردر .

(۳۱) ۱۰۰۵ ده وفات ایدن قاضی استانبول بستان زاده یحیی
افندیکنده بکرمی سکر باب اوزره بواسمده و بووادیده برکتانی موجوددر .
(۳۲) بروسده لامی چلبی ایله مشایخ عشاقیه دن بروسده اوچ
قوزولرده مدفون بروسه وی مخلصی محمد محی الدین افندیکنده بواسمده
بر اثرلری واردرکه بونلردن برنجیسی مطبوع ایکنجیسی غیر مطبوعدر .
(۳۳) مولانا ادريس بتلیسی نیک بواسمده فارسی العبارة تاریخ
عثمانیسی ، موسی بکک (تذکره الشعرا سی) شهری زاده احمد افندیکن
قسطنطنیه تاریخی واردر .

(۳۴) مطبوع اولان بر شرح اولمایوب شعرادن «۸۹۳» ده وفات
ایدن (امرینک) در .

غزلیات عارفانه لرندن

واصل اولماز کیمسه حقه جمله دن دور اولمادن
کنز آچیلماز شول کولکدن تا که پرنور اولمادن
موتوا قبل ان تموتوا سرینه مظهر اولان
کوردی آنلر حشر و نشری نفخه صور اولمادن
سن میسر ایله یارب بزلره بیتک طواف
علمک ایله عامل ایله وعده تکمیل اولمادن
حق جالاک کعبه سنی قیلدی عاشقار طواف
یرده کعبه کوک یوزنده بیت معمور اولمادن
مست هم مستانه کلدیم تا ازلدن تا ابد
ایچمشم عشقک شرابن آب انکور اولمادن
مست اولانلرک کلامی کندودن کلز ولی
بس انا الحق نیجه سویلر کیشی منصور اولمادن
بردواسز درده دوشدی بودل شمس مدام
حقه مقبول اولمق ایستر خلقه ، نفور اولمادن
بروسه لی

محمد طاهر بن رفعت

مکاتیب

هندستانه خابر مختصر صمزدنه :

هند یواننده

۳

بیردت صربانه بیروت ولایتی اقوام و عناصر مسیحیه نیک نمایشگاهی
سیاسی (و اوروپا دولتلرینکده هدف آمالنی تشکیل ایدن
بریردر . بو ولایتده بوتون اوروپا دولتلرینک مروج افکاری ،